

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10), Vlada Zeničko-dobojskog kantona, na 129. sjednici, održanoj dana 18.01.2018. godine, d o n o s i

ZAKLJUČAK

I.

Utvrđuje se Prijedlog Odluke o prihvatanju zaduženja po Sporazumu o finansiranju između Bosne i Hercegovine i Međunarodne asocijacije za razvoj za realizaciju Projekta Svjetske banke „Energetska efikasnost u Bosni i Hercegovini“ za Federaciju BiH u 2018. godini.


II.

Prijedlog Odluke iz tačke I. ovog zaključka, upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-14-984 /18
Datum, 18.01.2018. godine
Z e n i c a



- DOSTAVLJENO:
- 1x Ministarstvo finansija,
 - 1x Ministarstvo za obrazovanje, nauku, kulturu i sport,
 - 1x Stručna služba Skupštine,
 - 1x a/a.

PRIJEDLOG

Na osnovu člana 37. stav 1. tačka f) Ustava Zeničko – dobojskog kantona, člana 67. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14, 13/14, 8/15, 91/15, 102/15 i 104/16) i člana 38., 40. i 41. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09, 44/10 i 30/16), Skupština Zeničko-dobojskog kantona, na svojoj _____ sjednici održanoj _____ 2018. godine, usvaja

ODLUKU

O PRIHVATANJU ZADUŽENJA PO SPORAZUMU O FINANSIRANJU IZMEĐU BOSNE I HERCEGOVINE I MEĐUNARODNE ASOCIJACIJE ZA RAZVOJ ZA REALIZACIJU PROJEKTA SVJETSKE BANKE „ENERGETSKA EFIKASNOST U BOSNI I HERCEGOVINI“ ZA FEDERACIJU BIH U 2018. GODINI

Član 1.

(Prihvatanje zaduženja)

Prihvata se zaduženje Zeničko-dobojskog kantona prema Federaciji Bosne i Hercegovine (u daljem tekstu: Federacija) u 2018. godini, po osnovu Sporazuma o finansiranju između Bosne i Hercegovine i Međunarodne asocijacije za razvoj za realizaciju Projekta Svjetske banke „Energetska efikasnost u Bosni i Hercegovini“ za Federaciju BiH, u iznosu od 940.847,11 KM.

Član 2.

(Namjena kreditnih sredstava)

Kreditna sredstva iz člana 1. ove odluke namijenjena su za finansiranje unaprijeđenja energetske efikasnosti na školskim objektima na području Zeničko-dobojskog kantona, kroz mjere energetske efikasnosti koje mogu uključivati sanaciju omotača zgrade, prozora, krova, unaprijeđenje sistema grijanja/hlađenja, osvjetljenja i druge mjere za unaprijeđenje energetske efikasnosti.

Član 3.

(Ovlaštenje za potpisivanje podugovora)

- (1) Kreditna sredstva iz člana 1. ove odluke, Federacija će posebnim podugovorom prenijeti na Zeničko-dobojski kanton.
- (2) Za potpisivanje posebnih podugovora o prenosu kreditnih sredstava po Projektu iz člana 1. ove odluke, između Federacije i Zeničko-dobojskog kantona, ovlašćuje se ministar Ministarstva finansija Zeničko-dobojskog kantona.

Član 4.

(Uslovi kredita)

Kreditna sredstva iz člana 1. ove odluke prihvataju se pod sljedećim uslovima:

- a) Iznos kredita 940.847,11 KM.
- b) rok otplatedo 10 godina
- c) grace period3 godine
- d) maksimalna stopa troškova održavanja kredita0,5% godišnje
- e) servisni troškovi0,75% godišnje

- f) kamatna stopa 1,25% godišnje
- g) Dospijeća: polugodišnja
- h) Datum plaćanja glavnice i kamata..... 15. februar i 15. august svake godine.

Član 5.

(Osiguranje naplate dospjelih obaveza)

- (1) U svrhu redovne otplate kredita, Zeničko-dobojski kanton je saglasan da Federacija, u slučaju neredovnog ispunjavanja obaveza po Kreditu, bez upozorenja može dospjele obaveze direktno naplatiti sa računa javnih prihoda, i to iz dijela prihoda koji pripadaju Zeničko-dobojskom kantonu.
- (2) Zeničko-dobojski kanton se obavezuje da će u svrhu naplate svih potraživanja po ovom Kreditu, Federaciji dostaviti bjanko mjenice, te Zeničko-dobojski kanton ovlašćuje Federaciju da primljene bjanko mjenice može koristiti za naplatu dospjelog potraživanja.

Član 6.

(Osiguranje sredstava u Budžetu)

U periodu dospijeća obaveza po Kreditu potrebno je osigurati sredstva iz Budžeta Zeničko-dobojski kanton za izmirenje dospjelih obaveza.

Član 7.

(Realizacija odluke)

- (1) Za realizaciju ove Odluke i izvještavanje zadužuje se Ministarstvo finansija Zeničko-dobojskog kantona.
- (2) Ova odluka će se dostaviti Federalnom ministru finansija/financija na dalje postupanje.

Član 8.

(Stupanje na snagu)

Ova odluka stupa na snagu narednog dana od dana objavljivanja u "Službenim novinama Zeničko-dobojskog kantona".

Broj:
Datum,
Z e n i c a

PREDSJEDAVALJUĆI

Jasmin Duvnjak

DOSTAVLJENO:

- 1x Stručna služba Skupštine,
- 1x Stručna služba Vlade,
- 1x Ministarstvo finansija,
- 1x Ministarstvo za obrazovanje, nauku, kulturu i sport,
- 1x „Službene novine Zeničko-dobojskog kantona“,
- 1x Federalno ministarstvo finansija,
- 1x Federalno ministarstvo prostornog uređenja,
- 1x a/a.

Obrazloženje

I PRAVNI OSNOV:

Pravni osnov za donošenje ove odluke sadržan je u članu 37. stav 1. tačka f) Ustava Zeničko – dobojskog kantona, članu 67. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14, 13/14, 8/15, 91/15, 102/15 i 104/16) i članu 38., 40. i 41. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09, 44/10 i 30/16).

II RAZLOZI ZA DONOŠENJE

Vlada Zeničko-dobojskog kantona je usvojila Zaključak broj: 02-17-16241/17 od 23.11.2017. godine, kojim je data prethodna saglasnost Ministarstvu za obrazovanje, nauku, kulturu i sport za učestvovanje u projektu „Energetska efikasnost u BiH“ za Federaciju BiH u 2018. godini, a koji će se finansirati iz kredita Svjetske banke preko Međunarodne asocijacije za razvoj.

Navedenim Zaključkom je utvrđena i Lista od 10 školskih objekata iz nadležnosti Ministarstva za obrazovanje, nauku, kulturu i sport, predloženih po prioritetima za izvođenje radova za uključivanje u Projekat, a koji bi bili planirani kao predmet implementacije u trećoj godini projekta, tj., u 2018. godini.

U međuvremenu, od strane Federalnog ministarstva za prostornog uređenja – Implementacione jedinice projekta „Energetska efikasnost u BiH, dostavljen je akt broj: 01-23-1/18-12 od 05.01.2018. godine, u kojem je navedeno da je Upravni odbor projekta na sjednici održanoj 05.01.2018. godine, usvojio finalnu listu objekata, na kojima će se implementirati mjere energetske efikasnosti u 2018. godini, te je u skladu sa prioritetima i raspoloživim sredstvima, a vodeći računa i o geografskoj rasprostranjenosti i interesu drugih kantona, za Zeničko-dobojski kanton usvojeno pet (5) prioriternih objekata, sa ranije dostavljene liste.

Također, u navedenom aktu je navedeno da je potrebno potpisati Supsidijarni ugovor između Vlade Kantona i Federalnog ministarstva finansija, te da ukupan iznos Supsidijarnog ugovora za svih pet objekata, odnosno ukupno kreditno zaduženje Kantona za 2018. godinu iznosi 940.847,11 KM.

S tim u vezi, u cilju realizacije navedenog Projekta u 2018. godini, bilo bi potrebno da Skupština Zeničko-dobojskog kantona donese Odluku o prihvatanju zaduženje Zeničko-dobojskog kantona prema Federaciji Bosne i Hercegovine u 2018. godini, po osnovu Sporazuma o finansiranju između Bosne i Hercegovine i Međunarodne asocijacije za razvoj za realizaciju Projekta Svjetske banke „Energetska efikasnost u Bosni i Hercegovini“ za Federaciju BiH, u iznosu od 940.847,11 KM, čime bi se Zeničko-dobojski kanton zadužio po osnovu vanjskog duga, obzirom da se radi o sredstvima Svjetske banke.

Imajući u vidu navedeno, utvrđen je Prijedlog predmetne Odluke.

III OBRAZLOŽENJE PRAVNIH RJEŠENJA

Članom 67. Zakona o budžetima u Federaciji BiH utvrđeno je da se kanton može zadužiti i izdati garancije u svrhe, na način, pod uvjetima i u obimu propisanom zakonom kojim se uređuje dug, zaduživanje i garancije u Federaciji.

Odluka je izrađena u formi prijedloga akta, u skladu sa članom 152. Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13).

IV FINANSIJSKI EFEKTI

Za realizaciju prijedloga Odluke previđena je potreba planiranje potrebnih sredstva u Budžetu Zeničko-dobojskog kantona za 2018. godinu.

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst (Službene novine Zeničko-dobojskog kantona", broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 18. sjednici, održanoj dana 23.11.2017. godine, donosi

ZAKLJUČAK

I.

Daje se prethodna saglasnost Ministarstvu za obrazovanje, nauku, kulturu i sport Zeničko-dobojskog kantona za učestvovanje u projektu „Energijska efikasnost u BiH“ za Federaciju BiH za 2018. godinu, koji će se finansirati iz kredita Svjetske banke preko Međunarodne agencije za razvoj.

II.

Objekti javnih ustanova iz nadležnosti Ministarstva za obrazovanje, nauku, kulturu i sport Zeničko-dobojskog kantona koji će biti uključeni u ovaj projekat, u trećoj 2018-10j godini implementacije, a nalaze se na Listi objekata Federalnog ministarstva prostornog uređenja poređanim po prioritetima za izvođenje radova su:

RB	OPĆINA	ŠKOLA I NAMJENA	IZNOS u KM
1	Kakanj	Gimnazija "Muhsin Rizvić"	142.609,00
2	Usora	MSS "Stjepan Radić"	58.522,00
3	Zavidovići	"Druga osnovna škola"	148.186,00
4	Visoko	Gimnazija "Visoko"	157.481,00
5	Zenica	OŠ "Vladimir Nazor"	671.581,00
6	Zenica	"Medicinska škola"	1.151.496,00
7	Visoko	OŠ "Safvet beg Bašagić"	572.972,00
8	Visoko	MSS "Hazim Šabanović"	267.002,00
9	Visoko	OŠ "Mula Mustafa Bašeskija"	778.915,00
10	Kakanj	OŠ "Mula Mustafa Bašeskija"	565.664,00
Total:			4.516.516,00
Nepredviđeni radovi (10%)			451.651,60
Total sa nepredviđenim radovima			4.968.169,60

III.

Za realizaciju ovog zaključka zadužuje se Ministarstvo za obrazovanje, nauku, kulturu i sport i Ministarstvo finansija Zeničko-dobojskog kantona, svako u okviru svojih nadležnosti.

IV.

Zaključak stupa na snagu danom donošenja.

Broj: 02-17-1624/17.
Datum: 23.11.2017. godine
Zenica



DOSTAVLJENO:

1x Ministarstvo za obrazovanje, nauku, kulturu i sport.

1x Ministarstvo finansija,

1x ...

Broj: *01-23-1/18-12*

Datum: *05.01.2018*

Vlada Zeničko-dobojskog kantona
Kučukovići 2, 72000 Zenica
n/r Miralem Galijašević, premijer

Vlada Zeničko-dobojskog kantona/ Ministarstvo finansija
Kučukovići 2, 72000 Zenica
n/r Andrej Kajlić, ministar

Vlada Zeničko-dobojskog kantona/ Ministarstvo za obrazovanje, nauku i mlade
Zmaja od Bosne bb, 72000 Zenica
n/r Mensur Sinanović, ministar

PREDMET: Dostava informacije o izboru objekata u okviru projekta "Energetika efikasnost u BiH" za 2018. godinu

Poštovani,

Koristimo priliku da Vam se zahvalimo na dosadašnjoj suradnji uz nadu da ćemo i u budućnosti imati kvalitetnu saradnju sa ciljem implementacije planova za 2018. godinu u okviru projekta Svjetske banke "Energetika efikasnost u BiH" za Federaciju BiH.

Upravni odbor Projekta je na sjednici održanoj 05.01.2018. godine, usvojio finalnu listu objekata, na kojima će se implementirati mjere energetske efikasnosti u 2018. godini. U skladu sa prioritetima i raspoloživim sredstvima, a vodeći računa i o geografskoj rasprostranjenosti i interesu drugih kantona, za Zeničko-dobojski kanton usvojeno je pet (5) prioriternih objekata, sa ranije dostavljene liste objekata, u ukupnom iznosu od 1.237.297,95 KM sa PDV-om (Prilog 1). Navedeni objekti su u skladu sa kriterijima Svjetske banke i dostavljenim detaljnim energetskim pregledima.

S obzirom na ograničena kreditna sredstva ali i dostupna sredstva od PDV-a za koja se čeka zvanično odobrenje Vlade Federacije BiH (296.450,84 KM) ukupno kreditno zaduženje za 2018. godinu koje će biti predmet Subsidijarnog sporazuma između Vlade Zeničko-dobojskog kantona i Federalnog ministarstva finansija iznosi 940.847,11 KM dok će se razlika sredstava nadoknaditi od sredstava povrata PDV-a. S tim u vezi, neophodno je da do 30.01.2018. godine potpišete **Subsidijarni ugovor sa Federalnim ministarstvom finansija na iznos od 940.847,11 KM** prema kreditnim uslovima iz Priloga 2 (nepromjenjeni uslovi u odnosu na prethodne godine). Nakon što nam isti bude dostavljen, Implementaciona jedinica projekta će za svaki objekat započeti pripreme aktivnosti (izrada glavnog projekta, revizija glavnog projekta i ugradnja opreme za mjerenje potrošnje energije, temperature i vlažnosti, priprema tenderske dokumentacije za izbor izvođača radova).

S obzirom na kašnjenja koja smo imali u realizaciji projekata u 2017. godini u Prilogu 3 dostavljamo okvirni terminski plan aktivnosti na kojem sve strane treba da istrajavaju.

Za sva dodatna pitanja molimo da nas kontaktirate (kontakt osoba Mustafa Čopelj, Voditelj projekta, 061 836 776).

S poštovanjem.

Mustafa Čopelj
Voditelj projekta

Prilog 1: Usvojena lista objekata sa procjenjenim iznosom investicija za Zeničko-dobojski kanton (2018. godina)

Prilog 2: Kreditni uslovi finansiranja za niže nivoe vlasti (kantoni)

Prilog 3: Terminski plan aktivnosti 2018.

Dostavljeno:

- Naslovu
- Implementaciona jedinica
- Arhivi

Prilog 1: Usvojena lista objekata sa procjenjenim iznosom investicija za Zeničko-dobojski kanton (2018. godina)

Redni broj	Naziv javnog objekta	Adresa/Općina/Grad	Kanton	Procjenjena investicija (KM sa PDV-om)	Procjenjeni povrat investicije (godine)	Indeks ušteda (kWh/KM)
1.	JU SŠ Gimnazija "Muhsin Rizvić"	Ulica šehida 32, Kakanj	ZDK	142.609,00 KM	3,4	0,96
2.	Mješovita srednja škola Stjepan Radić	M4, Usora	ZDK	58.522,00 KM	2,5	0,58
3.	JU Druga osnovna škola Zavidovići	Ul. 8.Mart, Zavidovići	ZDK	148.186,00 KM	3,6	0,43
4.	JU "Gimnazija" Visoko	Musala 23, Visoko	ZDK	157.481,00 KM	5,7	0,63
5.	JU Osnovna škola "Vladimir Nazor"	Ul.Sarajevska 20, Zenica	ZDK	671.581,00 KM	7,1	0,87
TOTAL				1.178.379,00 KM		
NEPREDVIĐENI RADOVI (5%)				58.918,95 KM		
TOTAL SA NEPREDVIĐENIM RADOVIMA				1.237.297,95 KM		
KREDITNO ZADUŽENJE (SUBSIDIJARNI SPORAZUM)				940.847,11 KM		
SREDSTVA OD POVRATA PDV-A				296.450,84 KM		

Prilog 2: Kreditni uslovi finansiranja za niže nivoe vlasti (kantoni)

Rok otplate:	10 godina
Grace period:	3 godina
Maksimalna stopa troškova održavanja kredita:	0,5% godišnje
Servisni troškovi:	0,75% godišnje
Kamatna stopa:	1,25% godišnje
Dospijeća:	Polugodišnja
Datumi plaćanja glavnice i kamata:	15. februar i 15. august svake godine

Prilog 3: Terminski plan aktivnosti 2018.

Red. br.	Naziv aktivnosti	Odgovornost	Rok
1.	Kreiranje i prihvatanje finalne Odluke o zaduženju	1. Kantonalno ministarstvo finansija; 2. Vlada kantona; 3. Skupština kantona.	Januar 2018.
2.	Potpisivanje Subsidijarnog ugovora između Vlade kantona i Federalnog ministarstva finansija	1. Kantonalno ministarstvo finansija; 2. Federalno ministarstvo finansija.	Januar 2018.
3.	Implementacija aktivnosti kroz pripreme aktivnosti (projektna dokumentacija, izbor izvođača radova...)	1. Implementaciona jedinica projekta za Federaciju BiH	Januar – Maj 2018.
4.	Izvođenje radova na objektima	1. Implementaciona jedinica projekta za Federaciju BiH	Juni – Oktobar 2018.

Prilog 15

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
MINISTARSTVO ZA
PRAVOSUDE I UPRAVU



Bosnia and Herzegovina
Federation of Bosnia and Herzegovina
ZENICA-DOBOJ CANTON
MINISTRY OF
JUDICIARY & ADMINISTRATION

MINISTARSTVO FINANCIJA
n/r ministra
-ovdje-

Zenica, 17.1.2018. godine

Veza Vaš broj: 0717-16241-2/17 od 12.1.2018.

Naš znak: 06/02-17-16241-3/17

PREDMET: Prijedlog Odluke o prihvatanju zaduženja po sporazumu o financiranju između Bosne i Hercegovine i Međunarodne asocijacije za razvoj za realizaciju projekata Svjetske banke „Energetska efikasnost u Bosni i Hercegovini“ za Federaciju BiH u 2018. godine- stajalište, dostavlja se

Ministarstvu za pravosuđe i upravu (u daljem tekstu: Ministarstvo) je 16.1.2018. godine, aktom veze, dostavljen Prijedlog Odluke o prihvatanju zaduženja po sporazumu o financiranju između Bosne i Hercegovine i Međunarodne asocijacije za razvoj za realizaciju projekata Svjetske banke „Energetska efikasnost u Bosni i Hercegovini“ za Federaciju BiH u 2018. godine, radi davanja stajališta po navedenom, iz nadležnosti Ministarstvana.

Sukladno članku 11. Zakona o kantonalnim ministrstvima i drugim tijelima kantonalne uprave („Službene novine Zeničko-dobojskog kantona“, broj: 10/15), Ministarstvo za pravosuđe i upravu Zeničko-dobojskog kantona, u postupku utvrđivanja usklađenosti sa:

- Europskom konvencijom o zaštiti ljudskih prava i sloboda i drugim pravima;
- Zakonom o prekršajima u Federaciji Bosne i Hercegovine („Službene novine Federacije Bosne i Hercegovine“, broj: 63/14);
- Zakonom o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i
- Zakonom o kantonalnim ministrstvima i drugim tijelima kantonalne uprave („Službene novine Zeničko-dobojskog kantona“, broj: 10/15), daje slijedeće

stajalište

Prijedlog navedenog akata u predloženom tekstu ne sadrže odredbe koje se odnose na navedene propise, tako da ovo ministarstvo sukladno članku 11. Zakona o kantonalnim ministrstvima i drugim tijelima kantonalne uprave, ne može dati stajalište o istim.

S poštovanjem,

Dostaviti:
2 x Naslovu
1 x Tajniku Ministarstva
1 x U pismohranu



Bosna i Hercegovina
Federacija Bosne i Hercegovine
ZENIČKO-DOBOJSKI KANTON
SEKRETARIJAT ZA
ZAKONODAVSTVO



Bosnia and Herzegovina
Federation of Bosnia &
Herzegovina
ZENICA-DOBOJ CANTON
SECRETARIAT FOR
LEGISLATION

Broj: 03-17-678-1/18
Zenica, 18.01.2018. godine

MINISTARSTVO FINANSIJA
ZENIČKO – DOBOJSKOG KANTONA

PREDMET: Mišljenje o Prijedlogu Odluke o prihvatanju zaduženja po Sporazumu o finansiranju između Bosne i Hercegovine i Međunarodne asocijacije za razvoj za realizaciju projekta Svjetske banke „Energetska efikasnost u Bosni i Hercegovini“ za Federaciju BiH u 2018.godini - dostavlja se

U skladu sa članom 2. Uredbe o Sekretarijatu za zakonodavstvo Vlade Zeničko-dobojskog kantona („Službene novine Federacije BiH“ broj 8/98 i broj: 2/06) i članom 31. stav 1. tačka a) Poslovnika o radu Vlade Zeničko-dobojskog kantona („Službene novine Zeničko-dobojskog kantona“ broj: 5/11), te na osnovu uvida u Prijedlog Odluke o prihvatanju zaduženja po Sporazumu o finansiranju između Bosne i Hercegovine i Međunarodne asocijacije za razvoj za realizaciju projekta Svjetske banke „Energetska efikasnost u Bosni i Hercegovini“ za Federaciju BiH u 2018.godini, u postupku utvrđivanja usklađenosti istog sa Ustavom, pravnim sistemom i metodološkim jedinstvom u izradi propisa dostavljamo vam sljedeće

MIŠLJENJE

Pravni osnov Prijedloga Odluke o prihvatanju zaduženja po Sporazumu o finansiranju između Bosne i Hercegovine i Međunarodne asocijacije za razvoj za realizaciju projekta Svjetske banke „Energetska efikasnost u Bosni i Hercegovini“ za Federaciju BiH u 2018.godini, je pravilno utvrđen i usklađen sa propisima iz oblasti kreditnog zaduženja.

U normotehničkom smislu Prijedlog Odluke je urađen u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“ broj 5/08), sa svim elementima kreditnog zaduženja.

Stoga su se stekli uvjeti za davanje mišljenja shodno členu 31. stav (1) tačka a) Poslovnika o radu Vlade Zeničko-dobojskog kantona („Službene novine Zeničko-dobojskog kantona“ broj: 5/11) i upućivanje Prijedloga Odluke u dalju proceduru.

S poštovanjem!

Dostavljeno:
1x Naslovu,
1x Sekretar Vlade,
1 x a/a

